

# OMUKUETU

No: 4.

April.

1955.

## JESUS E NOMUENJO

„Jesus a jumuka.” Omua okua jumuka shili (Luk. 24:34). Etumualaka ndika lja Passa oljo etumualaka ljenjanjulela. Aakriste jomomavi gamue ohaa holele Maria Magdalena ohaa penduka ongula onene notaa popicacana netumualaka ndi. Oje na enjanju enene mokati kauo nosho shi nokukala nzaaka.

Kombinga jaalungua ja Jesus, oljo lja li etumualaka ljauo ljenjanju momaudigu gauo Oljo lja li einkele ljauo, Omuhongi guauo ngoka e ja cigi po omasiku ogo tuu ngoka komushigakano ku Golgata. Sho ja kanica Omuhongi guauo, oja kanica uo einkele ljauo. Oja li momilema. ja li muuehame, jaa na Kalunga, nojaa na einkele muujuni n. a. (Ef. 2:12). Momilema moka oja uva etumualaka ndika tali kumica: Okua jumuka kae mo ue mombila.

Maria Magalena sho a eta etumualaka ndika kaalungua - ombila oji li ouala - oja uluminé ko, ja ka tale jo jene ngele shoka sha popiua komukiintu oshoshili. Etumualaka ndjoka otali penduca einkele epe, onkene aalumentu otaa uluma okuja kombila, Simon Petrus na Johannes oje omulongua gumue ngoka jesu kua li e muhoole. Johannes ngoka a li omugundjuka a sindi mecigacano. A cigi po jakuauo, ooPetrus. Siku limue osha zi uo mpoka sho petrus a adika opo i idimbike Jesus nokua li e nuudigu okumatuka. Ohole ohaji endeledica na uulunde ohau shunica monima.

Sho je ja kombila, Petrus okua ji meni. Okua li a hala okutseja naua. Otu shi shi omoluashike. Okua hogolola ondjila ja Judas. Judas ina mona ecimbo. Uulunde ue ouemu fala meidipago. Petrus okua kongo edimopo ljoondjo. Okua hala okutseja ngele Omua okua jumuka shili. Ota ji mombila. Jakuauo otaa ji mo uo. „Okua mono nokua itaale.” Osho omulumentu ta hokolola muene. Oje ngashi e li po omunjoli guEvangelii ndika. (Johannes)

Etumualaka ndika ljoshituci sha Passa ohatu li uvu oluindji. Ehokololo ndika otu li shi naua. Otua tseja Omua Jesus nkene a jumudua ku Kalunga. Ihe otu shi uvite tuu naua? Etumualaka ndino oli nomuenjo? Otua taamba uo tuu enjanju ljetumualaka ndino? Otatu vulu okupopiacana netumualaka ndino? Omua okua jumuka shili.

Okua li ku nokamati okashona. Ajehe oja li ja diladila oko okauanaua. Oka ji esiku limue naakuluntu jako kongerki. Aamati jamue oja li ji ikuca moskola josoonaha shoka oja koka ania. Ihe ko oka ji ngaa. Aantu oje ka tala okakriste okauanaua. Oka li haka vulika. Moskola oka li uo ka lesa ehokololo ndika ljejumuko. Ihe kaka li ke li uvite. Oka koko noka piti moskola jaanona noka ji mu ndjoka jokombanda (Universiteit) ka ninge omusitagongalo. Omua okua tameke oku ka konga. Oki itedulula noka tameke okulandula Omua Jesus. Okua li e shi ania ukriste oua kuata ouala elongo ljontumba. Ka li u uvite kutja oku na Omukulili e nomuenjo. Ondi shi shi shoka ua lesa



ua tengeneke nale kutja ongame muene tandi ipopi.

Esiku limue manga tandi lesa Ombimbeli jandje, ondi itsu moohapu di dOmua guetu: „Okacimbo natango uuuni no itau mono ndje ue, ihe one ohamu kala nokutala ndje, oshoka ongame ndi nomuenjo, nane uo hamu kala mu nomuenjo.” (Joh. 14:19.) Oohapu ndika oje egululile ndje uuuni uupe. Ondi nOmukulili e nomuenjo. Jesu oku nomuenjo. Oje kuume kandje kolela e vulile ndje ookuume ajahe ja kala pu ngame. Okutseja nkuno okue eta enjanju lini. Onda li nda njanjukua. Omua Jesus okua tonatica omeho gandje ngame omuposi. Enjanju olindji na uujelele ouindji. Omenjanju ndika onda li ndi ilongekida okulombuela Omukulili guandje ndi tje: Ongame ngoka. Tuma ndje mpoka ua hala. Onda hala oku ku landula shaa mpoka to fala ndje. Menjanju ndjoka onda njola mOmbimbeli jandje poohapu ndoka: Omua oku nomuenjo.

Otse aakriste otu li po inaatu tseja shika Jesus e nomuenjo. Uu'kriste ua fa oshilongua shouala kutse opuo. Ngiika ngoje uo gumue gua mboka ja tja ngeji. Itashi ti ando ongoje omukriste omuujinaji, aue ihe ohepele. Oto ka mona oshindji ku Kalunga ngele Ombepo Ondjapuki ta mono osaeelo mu ngoje opo e ku longe, ongoje noto taamba oshituci sha Passa komukalo omupe. Jesu e nomuenjo, Omua okua jumuka shili.

Oshike tandi vulu okuninga, osho gumue ta pula. Natu taambe oondunge kaalungua ja Jesus. Evangelii paJohannes alihe otali jamukula epulo ndi. Onda ulike nokuli nale eha limue. „Otanu kala nokutala ndje oshoka ongame ondi nomuenjo nane uo ohamu kala mu nomuenjo.” Omua Jesus ta ti. Noku na uo oohapu dilue ombuanaua. Joh. 1:11-14, 6:57-58, 11:25-26 n. sh. t. Oohapu oto ke di mona, oshoka Omua okue shi uvaneke: „Ngoka ta kongo ota mono.” Otandi shi tala ngeji ando Johannes ne kua li ta jamukula epulo ndika ljoje: Oua taamba ngiini elaka ljoPassa?

Okua li e nokujamukula ngeji: Tala omumuanje, na ngame osho nda li ndi noluhodi ngaaka, sho nda li nda tala Omukulili guandje komushigakano ku Golgata. Omutima guandje konjala gu tатуке sho nda li nda tala uuehame ue. Ngoka a li a ningile ajehe uuanaua, ta hepekua ngeji. Kandi vulu oku shi dimbua nando. Onkene nda li nda uluma oku ka tala mbjoka aakiiintu je ji popi ngele ojoshili. Osho nda ji na Pesrus kombila. Opo mpoka nda mono: Emanja enene lja kandulua po. Kakua li omuntu ta vulu oku li galangatica po. Na isheue olja li lja patekicua nosiigeli. Sho nde shi mono, onda dimbulukua kutja omuhongi guetu okua li e shi tu lombuele: „Mesiku etitatu otandi ju-

muka.” (Mat. 27:63, Luk. 24:6-8.) Na sho nda ji mo nonda mono omalapi agehe ngashi ga li, onda mono nondi itaale. Jesu a jumuka. Oku nomuenjo. Kakua li ngoka ta vulu okukuca mo omudimba, oshoka omalapi oge li mo ongo ga siikila omudimba. Agehe oga gonjua ngashi naanaa ga gonjenue omudimba sho tagu etua mo. Sho nde shi mono, omutima guandje oqua li gua njanjukua unenenene. Omuhongi guandje omuhojike okua jumuka. Okua sindi conkondo deso.

Ejamukulo lja Petrus olini? Otue li holola nale, kutja omasiku ngoka oga li shili omadigu ku Petrus. Ote diladila muuluui ue omua li ouala tamu kilukutua kediladilo ndi: Ondi idimbike Omuhongi guandje. Omahodi oge ende. Okua li e na ouala eipulo limue: Tandi mono tuu natango Omuhongi guandje? Otandi ke mu tsila tuu oongolo ngashi nda li nda ningi sho a li i icana ndje, sho nda li nda ti: Ongame omulunde. Kanda li ndi shi shoka tashi ti. Ngashingeji ondi shi shi. Jaje ngame. Jaje ngame. Omuhongi guandje otandi mu mono tuu ue? Elaka ljejumuko olje mu pe einkele epe. Onkene okue endeledica okuja kombila nokua ji mo.

Petrus okua mono ompito jeitedululo. Ombimbeli otaji shi popi. Omapangulo getu oluindji omadigu mpaka, onkene inatu shi lombuelua kutja Jesu okua kundacana ngiini nomulongua gue nzoaka e mu idimbike. Otu shi ouala oja li ja tsakanene (1 Kor. 15:5.) Osha guana. Omua ota kongo nota taamba mboka taje mu kongo.

Omua Jesus a jumuka. Oohapu ndika otadi uvicua uo moPassa ndjika. Otatu taamba elaka ndino? Ngele inatu taamba enjanju ljejumuko momitima detu, ngiika inaatu hija Etitano euanaua moomuenjo detu (etitano lja Passa). Ombepo Ondjapuki oje ku ulukile uulunde uoje moohapu da Kalunga ihe oto kambadala noto tegelele, oshoka ino hala okumona uulunde uoje. Oto ti ouala oua li naua. Ino shi kuminua ano sho uaa uvite ko elaka lja Passa. Onaua sho u shi shi noue shi uvu isheue, shi vule ouala. Ihe itashi kuaca unene. Manga ino mona enjanju, emanja sho lja kandulua po, nomalapi sho ge li mo ageke, ombila ji li ouala, inda manga ku Golgata. Tala uudigu uOmua guetu. Tala okuhepekua kue. Dimbulukua kutja omoluoje. Okua si opo u kale nomuenjo. Okua humbata ondjambi juulunde eso ljoje opo u ninge omumangululua.

Onda hokolola omumati nkene okua taamba elaka ndi Omua e nomuenjo. Ihe inandi hokolola ashihe. Manga inaa mona enjanju ndjoka okua li manga e nokudimbulula uululu kua li e u na ka li omuanaua ngashi je a li a diladila. Okua li e nokuindila aakuluntu je ombili sho a li omunona inaa vulika. Okua li e nokunjolela omulongi gue omukuluntu nokupula ombili omoluashoka a li a jono oompango doskola. Okua li uo a jono kaantu jalue mboka a li e nokuja nokuindila ombili. Omumati omuanaua a li tango omuujinaji.

Tadi tsikilua kepanja 4

ESIMANEKO LJEPUTUKOHUMO  
LJOMUNTU MUENE.

Moshinjolua sha hugunine otua li tua popi iiponga jimue mbjoka taji etelelua keputukohumo; ngashingeji otua hala isheue tu popje ko koshinima osho tuu shoka, ihe okombinga ji ili.

Aantu mboka ja longo k'Uushimba, osho uo aalongua jomooskola detu mboka ja tseja omalaka gaatiligane (unene nga gepangelo) Afrikaans osho uo Engels, oje na egamo ndjoka ljokudina elaka ljoojina. Oluindji oje hole okulongica eleka ndjoka ji ilongo nonando kaje li shi naua. Shoshe- ne inashi puka ngele omuntu to ideula elaka ekuiilongo pamukalo guokupopja. Uunongo uokutseja elaka ekuiilongo otau etele omuntu sha. Ihe omuntu ngele te li longica moluashoka a sa ohoni elaka lje muene (lja jina) nena omuntu ngono oku li pombambo.


Momavi gamue osha ningua naa naa, sho ehumo lja fa lja ji pombanda, nomalaka omakuiilongo gi ilongua, nena aantu ja kala ja sohoni okupopja elaka ljaou. Aantu tse jene oonakukala pamue pashitue. Shaa ngoka na simaneke ngaa sha mukuauo, ihe itashi ti tu dine iicigululua jetu. Nando. Kaantu jalue natu kuce ko ouala shoka oshiuana kutse, ihe inatu ke ja holela muajjihe. Ngashi tu li, osho uo shi li iiguana jilue. (Ano sho shi li k'Onkumbi, osho ngaa shi li k'Euale)

Oshiguana kehe oshi na eputukohumo (kultuur) ljasho shene. (Ano kultuur eputuko ndjoka li li ouala nale moshiguana shoshene, ohali ende tali koko uo, ano ongoshicigululua)

Kapu na oshiguana shaa na eputuko- humo ndjoka. Shaa ngoka, ano oshiguana kehe oshi na po sha, hashi simanekua uo ku jalue. Eputuko ndjoka ohali monika pankalelo ojindji, ngele melaka, nenge momicigululuakalo doshiguana, moontokola, nomoompango osho uo momahokololo, momajeletumbulo, mootumbutumbu momagumbo nomiilongico, osho no sho.

Nando ookuku oja li aapagani, itashi ti shaa shoka ja longo, nenge ja diladila osha li sha puka, aave. Onke ano otu na okukambadala tu gongele iininguanima iikulu, tse tu ji njole. Shika osho oshinene- nima kepipi ljongashingeji. Iinima naji gongelue manga oonaku ji tseja inaaja ja najo mombila. Ando tu ulike ouala ombinga jimue:

Aagundjuka jojene oja fa kaa uvite ko naua elaka ljaauambo jonale, otashi zi mpoka sho elaka hali lunduluka aluhe, osho uo Oshiuambo. Ihe otashi tu mbandapaleke, moluasho, iinima mbi tua popi tango mpano, oje je eta po uunjengui mbo. Jojene jamue oja fa ngaa ja penduka moshinima shika; ihe miinima jimue, ehumokomeho ljelaka, olja fa tali keelelua ouina kujalue, ihe mboka ando ja tale naua iinima mbi tua popi mpa. Egongelo nenjolululo ljomicigululuakalo, nomahokololo goshiguana otage eta esimaneke melaka nomehumoputuko ljoshiguana shoshene, opo mpoka tapu ja uo iinima ji ili no ji ili mokutseja kokuene.



LAHJA VANANEN  
SHIMUELE

a man'oondjenda eti-22 lja Maart 1955 ku Suomi.

Oje a valelua mOngandjera eti-21 lja Januari 1915. Aakuluntu je sho ja li je hoole oshilonga shetumo, ja fa ja putudile uo omuana mohoole jokulongela Omuaa. - Aakuluntu je nando ja si nale, oje okui igandja moshilonga shetumo.

1946 Lahja Shimuele okua tumua kOuambo nokua kala omulongi nomuuliki guoskola mOkavango, ku Lupala no ku Mupini.

Sho a longo oomvula hamano, okua ji ando kefudo ku Suomi nkoka a kuatua kuuvu uudigu uaa nealuko. Kalunga a holola iikumica sho a kuca po uehame mu je ombadi'la. Ojendji oja li je shi ota aluka naanaa, ihe omasiku ge oga li po ga jalulua tuu. Okua si guoomvula 40.

Otse auuambo naakavango otatu hambelele Kalunga omolu omagano ge ngaka e tu pele.

CKANONA SIRKKA  
KANNAINEN

ka manguluka muuehamue uako 13. 3. 55, ka adika ke noomuedi hamano adike netata. - Okua li omutumua gua Kalunga, manga a li kombanda jevi, no ngashingeji ombila je jomomaendo gokOniipa otaji tu dimbuluca ehijo lja Kalunga.

mOniipa:

Abraham Fudeni ja Simon a si 3. 1. 55.  
Liisa Nehandu ja Elia lja David a si 29.1.55.  
Sakeus ja Asser a si 31. 1. 55.  
Saima ja Simon a si 18. 3. 55.  
Reinhold ja Elieser a si 28. 3. 55.  
Sakaria ja Martin a si 26. 2. 55.  
Levi ja Festus a si 26. 3. 55.

mOnguediva:

Ester ja Shaamena a si 10. 2. 55.  
Lukas Mbongo ja Abraham a si 14.2.55.  
Petrus ja Shea a si 23. 2. 55.

mUukolonkadi:

Menete Nuunjango a si 14. 10. 1954.

ONDJOVO JOMUSHIJAKANO

1. Kor. 1:18.

Ondjovo jomushijakano oja njikila oulaji avesho ava tava ka kana. Ndele ku ava tava hupifua paife oje Eeñgono da Kalunga mu Kristus Jesus. Heeno ofje ovakriste ondjovo jomushijakano oje tu njikila oulaji shili, osheshi alushe hatu lombuelua koBibeli: Lidiilululeni shili. Ndele nande ongaha omakutui etu okua fita ndele katu uditeko, vali nomesho etu okomutima okua tuika ndele katu uete ko vali. Na Omuprofeti Jesaja ota ti: Omakutui otu na ndele katu udite ko nomesho otu na ndele katu uete ko. Omukuetu, ondjovo ei ofje naave hatu lombuelua, Omukuetu, onaini hatu ka mona ko? Na onairi hatu ka udako kondjovo ei? Tala omukuetu, efimbo otali ji itali tu teeleele. Ondjovo ei nai ninge eeñgono detu. Ofje ovakriste tu endeni nado mu Kristus Jesus ou e tu kulila.

Abraham Jakob  
Windhoek.



KALUNGA NA TUMINE NDJE  
OMBEPO JE.

Komukuetu, omuholike guegongalo ljomOuambo,

Ongame omumuanjoko mu Kristus nda hala ndi mu talele po. Ongame nguka omunkundi kolutu no komuenjo, nda hala mu gandje ndje komugameni omunene moomvulue dandje adihe noduuvu, sho ndi li po te putudua, ihe nando ndi li meputudo, nda fa ine dimbulula sha; aluhe te pe Omueene uusama ndi uete kee hole ndje, nando tu nokudengua opo tu tseje oje uo nkene e tu hepekelua. Oje osheelo tu pitile muje, onkene tu nokuputudua tu uape okukala puje. Natu tale Joh.15:7; Fil.2:12-15. Omolua ndje sho be ngungutula aluhe nda hala ndi mu pe uusama. Nane uo, aakuetu, inamu kala ngashi ngame! Natu igandjeni tu mu inekeleni. Tu vulikeni tse tu hedeni kuje, oje no te tu taamba.

Omumvo 1953 Omueene a hala a tule ndje pahi poompadi de, ihe natango nda fa nda kukuta. Galikaneni ndje, Omuaa a tumine ndje Ombepo je a longe shia muenjo guandje, ngame ngu omunandjo.

Kundueni nepsalmi 146:1-10.

Kristofina ja David  
Onajena.

# OSHIKOLOLO SHOMEGUMBO



## OMAGALIKANO GA JINA.

Oojina jaagundjuka ne, mbo tamu lilile uukukutu uaagundjuka, otandi mu hokololele ehokololo limue tali tu hololele omuntu kehe nkene a guana okugalikanenua.

Muujuni muka omua kala mo aantu jamue mboka nande ja hulica oondjenda dauo onale nale, iilonga jauo otaji ja hokolola sigo onena. Uunene jaamboka oja endica uukriste mokukala kuauo nenge momambo gauo. Ngashika omulumentu gumue Augustinus ngoka ta dimbulukiua po kaakriste ajehe kaaevangeli no kaakatoli.

Augustinus okua valua omuvo 354 mu Noord-Afrika. He omupagani, jina omukriste edina lje Monika. Jina okua longa uunona ue okugalikana, he okue mu tula moskola jaapagani a longue uunongo u uujuni.

Okamati sho ka ningi omugundjuka jina okua tegelele a ninge omukriste. Ihe ina ninga. Okua ningine muulunde auhe uomupagani. Jina okue mu lilile emahodi ogendji okue mu indile a cige po uulunde ue a ninge omukriste, omumati ine mu uuva ihe.

Moku mu lilila ngej jina okua mono ehekeleko lja zi kOmua Kalunga. Monika okua lala ondjodi. Okua mono ta cikama kondundu onde ta lilile omuana. Nena omumati omugundjuka okue ja kuje no kue mu pula ota lili shike. Monika okue mu hokololele oluhodi lue. Nena omujenda okue mu lombuela e ta ti: „Punguluka. Onkoka u li oko nkoka nomumoje omumati e li. „Monika okua punguluka nokua mono Augustinus ta cikama pondundu tuu ndjoka. Momimvo omugoji doka da landula emoniko ndjoka lje mu koleke a galikanene omuana.

Esiku limue Monika a hokololele omubishofi gumue uehame uomuenjo gue okue mu indile a kundacane nomumati. Omubishofi okue mu jamukula ihe e ta ti: „Omumati guomagalikano no guomahodi ogendji onga nguka, ita ka kana.“

Augustinus okua tsikile okuenda ondjila je jomuulunde. A hala okuza kegumbo nokuja kiilando iinene a ka konge esimano ljomuujuni. Jina ina hala oku mu laleka. Augustinus okua cikama uusiku. Monika sho a penduka ongula onene omumati a adika a ja nale. Jina okue mu landula e ke mu konge.

Navulua okue mu aada moshilando shimue sha Milano mu Italia. Augustinus a ninga omulongi guoskola jimue jaapagani. Okua eca ondjila je juuhalu nokua tameka okulonga oshili. Okua enda momapukululo gi ili nogi ili ihe navulua okua ciki muukriste.

Omulongi gumue omusimanekua okue mu talele po. Poshitafula shAugustinus okua mono embo limue. Omujenda okue li kuata, no kue li tala. Okua kuminua uunene oshoka embo ndjoka omaepistoli ga njolua komujapostoli Paulus. Omujenda oje muene omukriste ine shi tseja nande kutja Augustinus tuu a hokua okulesha omambo gaakriste. Oja kundacana uukriste nomujenda okua hokolola aantu mbo jitedulula no ja ningi aashitua aape nando nale oja kala muulunde.

Omujenda sho kua cikama a ja Augustinus okua ji pondje a kongo omuzile komukuju. Okui ihata pevi nokua lilile uulunde ue. Sho kua kala ngeji nokue mpulula oondjo de a uuvu omunona ta iigida: „Kuca po u leshe!“ Augustinus okua diladila oljo eui lja zi kOmua, okua cikama nokua shuna kondjugo je okua siikulula embo lje a leshe oohapu doka te di peua. Okui itu ke pistoli ljokaaroma 13: 13-14.

„Tu endeni pamikalo, ongashika omutenja, ha muufukedi uiituci no muunkolui ha momahondelo no mihulo, ha moontanana no mepupa, ihe zaleni Omua Jesus Kristus nonjama jeni inamu ji jakulila okahalu.“

Sho kua leshe oohapu doka ujelele ine u tseja nale ua minikile omuenjo gue. Augustinus a tameke okuhambelela Omua ngoka e mu tumine ujelele mbu nokua dimi po oondjo de adihe nando odindji.

Omuntu guotango ngoka Augustinus e mu tsejicile elaago lje epe, cje jina. Enjanju lja Monika enene. Oje e uuvite oshilonga she sho muujuni sha pu kulungua. Augustinus sho kua shashua omasiku gamue ga pita po jina a mana ondjenda e nombili nelago.

Augustinus a ninga omubishofi okua njola omambo ogendji ngoka taga leshua sigo onena. Gamue otaga hokolola naua omuntu omulunde nkene ta hupicua kesilohenda ljomua alike.

Kua ningua ngashika kua hunganekua komubishofi: „Omumati guomagalikano no guomahodi ogendji onga nguka, ita ka kana.“

L. H.

## OUDJUU UOJE AUSE U UMBILA KOMUENE.

Oto kala ua kola omafiku oje aese. (Deut 33: 25) ouua ou fike peni tau tu dile momalaka tuu aa. „Ofje ohatu kala tua kola omafiku etu aese.“

Omuñu keshe oku noiñuiju noiso ihapu i lili noi lili, Nongenge e he na oudjuu nasha ohe lietele oudjuu noisho noiñuiju ihapu jomomadiladilo.

Omuñu iha file oshisho shoudjuu oefimbo opo ile uefiku lonena alike ndele ne oha tameke okudiladila naau tau ke uja komesho ile pamue itau uja nande.

„Oimuiju joje aise i umbila kOmue.“

„Oto kala ua kola omafiku oje aeshe.“

„Ileni kuame amushe aya hamu longo nomua lolokifua - - - - -“

Eendjovo edi dinjenje ohatu di lesa konjala aluse ndele ihatu di tuvikile meemuenjo detu.

Otu li mekondjo ngashi naanaa omuñu ta kondjo moluodi.

Oimuiju ta etele omuñu omalimbililo, nge ou udite omalimbililo otashi ti ino itavela natango.

Okukala noshisho shoinima jomounjuni omu otaku etele omuñu omalimbililo omomuenjo. Puilikina eendjovo dinjenje dOmu kulili eshi ta ti:

„Inamu fila eemuenjo deni oshimuiju.

„Oho jeni jomeulu oku shi shi eshi mu shi pumbua.“

„Tete kongeni ouhamba ua Kalunga noujuuki uao - - - - -“

„Ino fila efiku lomongula oshimuiju.“

Mat. 6: 25-34.

Uunene omuñu oku neendamo olo oku nenepekifa omutengi uaje shashi a hala okuhumbata omitengi domonima nadi jo dokomeso pamue nomutengi uonena.

Ope na omitengi odo mbali otadi njono ekuatafano lomuiñu na Kalunga, ojo: Oulunde noiñuiju jounjuni ou. Omitengi detu otu noju di tuala ku Jesus omujakuli uetu.

Dama meitavelo fiyo to ka shitululua Inokala u noshisho sha sha. Eeñgono daje otadi ku uanene omafiku oje aeshe. Natu shi itaveleni hano.

J. P. Ngitapulua.

Ongenga.

## OUTA UOMUKRISTE.

Onda hafela omuhongi uetu omukuluntu Niikondo eshi e tu lekela eti 10. Mei 1953 mokushuna ku Suomi. Okua tja: „Inamu dimbua okuilikana, osheshi eilikano olo outa uomukriste. Nje mua tua ompango imue fio okualuka kOmukulili.“

Frits Naunjang

SUIDWES-AFRIKA.

Efundja lidju la kungulula omajovi.

Efundja et lifi lo reva matuima a doogala ola pulu. omulonga munene Oranje nde tali picile pomafila auo tali fulukile komitunda dauo. Eefnopa di ii koshi jomeva, eendafano leeñuñu nounjuni uopondje peeñele dimue ola tetua po, oilimua momajovi oja fufilua. Oshiponga shoiponda omajovi mahapu osha ningua.

Eembulu tadi kongo oilonga,

Eembulu omafele komungulo ua Oranjemulonga oda fiminikua okukonga oilonga meedorpa moluefundja olo lidju la ningua ku Oranjemulonga. Ova hovela okulongela va konge oilonga noimaliva fijo etejo lomudo tau uja, shashi etejo loneudo ola hanaunua po itu. Oshiponga oshi fike poiponda omajovi omafele. Oikulja oja ufilua needila oonakukala meeñuñu ava va kelelelua mo. Oñuñu imue i na ovadaleluamo omilongo natu ve kuetue kondjala oja monika jo. Momukunda ua Gordonia mua kelelelua kefundja ovañu ve fike £00.

Ku Suid-Afrika otaku iua ashike nodila. Etemba lomomēva eli hali pitifa omahauto poshau shopu Goodhouse ola njonaunua noñopa ja Oranjemulonga oi li koshi jomeva. Onima aishe ei ja kungululua komulonga otai monika keshe efiku ku Oranjekanja (Oranjemoand). Okatemba keendongi oka monika jo neendongi dako.

Unie van Suid-Afrika,

Omasina ane e lidenga kumue.

Omulongo navavali ova tja, 153 ova ehamekua moshiponga sholutenda mu Unie. Oonakufja aveshe ovadaelua. Ovo ova fja eshi esina limue tali di ku Durban tali ji ku Johannesburg, le lidenga kutue na limue mu Volksrust kua li la tula. Moshiponga osho tu osho, ovatiiane 34 novadaleluamo 32 novalongi volutenda 7 ova ehamekua. Omutiliane umue novadaleluamo 17 ova ja koshihakulilo vamue inava ehamekua un ne ova fa ashike va koko'uvia.

Oshiponga shikua osha ningua mu Vrystaat. Ovatiiane 58, ovalaule 18 novalongi volutenda 4 va ehamekua. Oikoto inai dja ko kolutenda. Ovalondi ovo aveke va monama ouponga.

Oiponga ihapu ja monika pu Sandspruit kuinja oshikoto shimue osha ua ko nde shikua osha pongekua kanini. Omitue domasina mbali oda li da pamekafana.

Oñepo ipe tai tandavele mokati kovabantu,

Edidiliko tali kumike (omukumo). Verwoerd osho a ti. Olo ekumiko linene okutala oñepo ipe jelipangelc, johokue joilonga, jetungululo nojediininino louva ja tandavela mokati kovabantu. Ovakomesho voilongo nomalenga pamue nepangelo tave lifimanekela oshili ei, ovana eshi tava shuna kuvo notave lilongo okuenda. Ekundolaka lomudo mupe la H.F. Verwoerd, omuministeri uoinima jovadaleluamo la ti ngaha. Omuministeri oje okua ti vali:

„Natango otaku ka kala omamanja nomakija a hongga mondjila komesho, ndelene itatu ka efa keshe ou ta kongo ekuafu ndele ngashi xe e lilongekida oku-uapeka ondjila osho tapa kala. -Ondjila nai tuikile okujela.

Okulimangela kovañu vaje nande ovafijona ile inava hama komesho nokukala

noi onga joshuana shoje omo ua dja no tas'hi pula snihapu komuñu ou a longua eedula dibapu osukonga eeñgedi dovatiiane di kale oñgalo jaje ja uana. Ndelene elalaka meno lokukalamuenjo kovabantu oli li opa melonge'lo loiuana javo nomokulijandjela ovañu vaje muene. Ka si fi elihepeko osheshi melongelo lohiuana shaje muene omuñu ta mono elao laje muene. Omubantu keshe te lijandjele oshiuana shaje oku shi longela ta mono ondjabi shili mokukalamuenjo kua kolutu nokomuenjo. - Omulumeñu iha longo neñgono moshikunino shomukua ngashi ha longo moshikunino shaje muene osheshi eshi ta mono moshikunino shaje oshaje muene.”

ASIA.

Etumo mu Asia.

KEtumo la Rynse otua uda eshi tashi shikula:

Japan.

Oshiuana sha Japan otashi valulua 83 miljona. Momuvalu ou ava 344 000 ovakriste, omo mu na 187 000 ovaprotestante: Okuhapupala kovapaani ku dule okuhapupala kovakriste mu Japan. -Ovakriste mu Japan ovakristelela ava itava fi ohoni okuho'ola oukriste uavo.

Korea.

Oshiuana sha Korea momudo 1950 osha li 24 miljona mu 1952 ove fike 25 miljona nande okua li ekanifopo loita li fike 200-000. Komesho joita ovakriste ovaprotestante 750 000 novakatolika 200 000. Ongerki mu Korea oja humbata oudju moita. Komesho joita oja li ja shiivika ngashi oshiholelua shongerki inini tai lihumifako notai lidiinine neñgono devangeli. Oita oja hupipika eeñgono dokulidiinina. Ovalongi vomaongalo va ninipala. Ongerki oja kanifa moita ovafita efele. Okudja petukulo lohilongu moitukulua ivali kongerki koshitukulua shokoumbangalañu inaku udika sha. Ndele oshitukulua shoumbuañu osha mona ekuafu koilongo. Itai lidiinine vali jovene.

Kina.

Konima jomido ñe omua li ovañu 480 milioni mu ovo 3 000 000 ovakatolika na 1 400 000 ovaevangeli. Hano ovakatolika novaevangeli itava ningi nando umue mefele limue uomoshiuana. Okangudu aka kanini kovakriste okua li ke nokufikama moikungulu jomido da pita, Ongerki ja Kristus mu Kina oje likalela, kai na nande ekuatafano neengerki dimue. Etumo lopakriste oia longa oilonga ihapu mu Kina moihakulilo nomeeskola. Omahongelo aeshe etumo oku li paife momake epangelo lovakommunisme.

Omuvalo uoilongo imue mu Asia.

Ovañu

Ovakuashiuana Ovaprotestante Ovakatolika

Mu Filippini	19.200.000	3.710.000	14.642.000
Mu Indo Kina	27.000.000	41.000	1.381.000
Mu Oos India	5.400.000	54.000	93.000
Mu Birma	17.000.000	588.877	131.000
Mu Ceylen	7.500.000	115.960	538.000
Mu Indonesia	70.000.000	2.000.000	1.000.000

OOMVULA 50.

Ongerki onkuajevangeli jetumo ljaanduishi (Rheinsche Mission) mu Swakopmund okuza kesiku ndjoka ja tungua ja tsakanica oomvula omilongo ntano mesiku 16 lja Januari 1955. Osondaha jesiku ndjoka oja li oshituci oshinene shehambelero. Mongerki omua li mua kuutumba aantu oje-ndjijendji. omua li mu noongundu ne daaimbi Noji imbi palufo ngashika shoopalela.

Aatiligane oja li mo uo ojeñdji okungundu nojiimbi oondjimbo dehambelelo. Ojo aanduisi ajehe. Mongundu jaatiligane omua li mu na aasitatumua jahamano, gumue gomujo oje omusuomi Saarinen nguka a kala naale kOmbalantu mOuambo. Jane ja zile momagongalo ge li mevi lju-mbugantu (mUushimba) noju uuvica palufo ngashika ji ilongekida.

Nando itandi tumbula mpaka omadina gauo niilongo moka ja zile shimue tandi shi pandula, osho ohoole jotango ndjoka ja li je ji na. Neigido ja li je li na oljo ndika tali ti: Egongalo eholike! Ano oljo efalo ljotango manga euvico ljoljene inaali tamaka ja tumbula omadina gojakua oje-ndji mboka ja tetekele nale nkene ja li po adiginini moshilonga shauo. Muujuni uomalugodi nomaluhepo ojeñdji ga li po omimvo do domahaluco 1914-1918. jamue jomujo je endele mouambo ja tula muukuanjama 1891 ngaashi Ashipala ta tsejika uo kaauambo ojeñdji jopecimbo ndijaka.

Omagongalo ngoka inaaga tuma aatumua ja je koshituci shongerki. Ogamumu omakundilo gohapu domombimbeli oku popica Egongalo. Oku na ojeñdji taa silo-shimpuiju oomuenjo doojitaali ja hupicue. Naankundi meitaalo ja mone oonkondo omppe. Omuuvici gumue guuambaka je ja kehijo ljOngerki a huginine poshijambelo okuiigida neui enene a ti: - Diginina shono u shi na uaa jugue nando okulje oshishani shoje Ehol. 3: 11,

Onesimus Filippus Swakopmund.

OUKOLUI OO OULUNDE NEFJO.

Efiku limue ovalumeñu vavali va nua oshikaliva nova kolua va ja kolukanda nova hovela okusinda ovañu Moluoukolue uavo va dengua nokuli umue konjala a fja. A kuafua komudohotora a velulua. Nomafiku a landula omulumeñu umue a kolua vali, a ja meendunda dovañu e he va shi, nokua nangala a fa a fja, nomuene uonduda okua ifana ovapolisi ve mu kufe mo. Ovo ve mu tuala kodolongo. Mongula eshi a kololokua okua ilikana ve mu efe nokue lipopila nomapopilo mahapu ndele ina efua. Ve mu pitika a fute £ 8; ngenge kee i kuate, otave mu tula modolongo. Hano a mona ondjabi: odolongo fijo onena omo e li.

Vavali ve lidenga: umue a tua nombele, nomukua uo hanga a dipaua kovapopili va ou a tua. Hano aveshe vavali ve li mohospital, va teelega epangulo. Hano ovakuetu, tu angaleni oulunde osheshi tau eta efjo. Tala oulunde ñge tau jandje efjo. Tala kaaroma 6: 23. Hano ohatu mu alikana mu tu dimbulukue momailikano.

Ekundo linene.

O. F. Kamati Outje

# O K A A N D J E T U



ONGALO JOOHEPELE.

Pankondo lje di peua koshigongerki epangelongerki 11. 12. 54 olju uca oongalo, nongashi doka doohepele uo. Opuu ucua ano ongalu jesiku ljoosa domukulili, nojesiku ljoOkrimesa, nojetijaali ljoKrimesa, nojosondaha ontijaali ja february, april, juni, auguste, na desember nadi je moshikeca shoohepele. Ihe oshigongerki inashi hala ejakulo ljooh-pele li hulile mpoka. Osha hogolola okalongekidongundu ke ete po omadiladilo ga jela moshinima shika. Mboka ja hogololua o nbaka: Jason Amakutuua, Vilho Kaulinge, Ismael Ntinda, na Erkki Hynonen. Okalongekidongundu haka ka njola ngeji:-

„Egongalo kehe li nokukala li na aadiakoni. Ojo tuu mboka taa sile oohepele naavu oshimpuju, uunene kombinga jolutu.

Aadiakoni taa hogololua noljo tali ja langeke miilonga ja kale je „niikondo” jao moka taa diginine oshilonga shauo.

Omudiakoni kehe na tseje aantu jo moshikondo she, oohepele iilema, aavu naakulupe, opo a vule oku ja jakula. Aantu mboka naa tseje uo omujakuli guauo.

Omudiakoni ta dimbulula sha maatalelua, oluhepo nenge ompumbue jasha, eta vulu oku shi tsejicila omusita nosho ngaaka tapu kongua ondjila jokukuaca omukuanaluhepo ngoka.

Ongalo joohepele otaji hijua pahijo no pagongelo ljaadiakoni.

Pokufu omudiakoni kehe na hehele oohepele „ehanga-ljappa” moshikondo she. Onaua nge ta taamba ashihe tashi gandjua kaagandjiipuhenda: iilja, omakunde, oofukua, omizalo, iimaliua niimuna n. sh. t.

Ongalo ndjika manga inaji ningua, omusita ote shi tsejicile egongalo pa 1Kor. 16: 2, opo ja pungule sha maandjauo jo ja jakule ngeji mejakulo ljaajapuki.

Megongalo uo ongalu ndjika otaji uucua e taji hijua, nomukuanegongalo kehe na kale e na sha shokujamba mo. Omitsuhu, oombulukueja, oohema, omakumbjaca, niimaliua, niilja, niimuna n. sh. t. Onaua egongalo tali tsejicilua kutja olju umbu ongalu ji cike peni.

Aagundjuka uo naa kale taa kuaca no taa jakula oohepele naavu oku ja longela mpoka taa pumbua okukuacua ngaashi miilonga jomepja no jomegumbo uo. Taa ji niikulja jao.

Jesus okue ja okulongela nokugandja omuenjo gue gu ninge iikulila jojendji, onke naapija je uo je nokujakula nokulongela, opo je mu oopalele.”

## MONDJILA LUOKENONGELO.

Uuka kenongelo ngula kujele, opo uaa kanice nand' omajele.

Kape na uupu kusinda oomposi, nenge kuljata epola ljetosi.

Ihe omuenjo gua jela ngonjoci, nge ua ka sinda uuheci noomposi.

Ope nejambulo ljevi muunongo, ihe monjalo ho mono etongo.

Elaago oljetu mondjila jomambo, Otage tu nongeke tuua je pombambo.

## AATUMUA AAFE.

Ku Suomi kua zi aatumua jahejaali ja ciki ku Walvisbaai 19. 3. 1955.

Omuhongi Elias Pentti nefolo Aino Pentti naanona jao jane oja ka tula kOmbalantu peha ljomuhcnzi Saarinen ngoka a ciki nokuli ku Suomi.

Ofreilaini Alma Tenkama a ja tete ku Uniona, ndele nenge a dja ko, ota ka longa mOukuanjama vali.

Omuhongi o nupe Raimo Holopainen a cigala tango ku Swakopmund omolu iilonga jontumba, ihe nge a zi ko, ota ka kuaca kOnguediva.

Ofreilaini omupe Suoma Korhonen ota kala ku Swakopmund moskola jaanona jaahongi.

Oofreilaini vavali vape, Irja Repo na Ulla Keskitalo, otava ka kuafa moshihakulilo shokEngela.

Omukuetu ta halele ajehe mbaka eja mbeko lja Kalunga, Oje e ja longice uo pahalo lje ljopahoole je.



OMUNJANJANGIDI A SHUNA KU SUOMI.

Omusamane Kannainen (Amakaja) nomukulukadi gue naanona jao jatatu oja cikama pokati ka April ku Windhoek jo je ende modila sigo ku Suomi.

Omimvo ndatu omusamane Kannainen okua longo moshinjanjangido shokOniipa. Okua pangele kumue eshina epe enene ljokunjanjangida, nokua opaleke omashina omakulu. Nongashika okua opaleke uo iilonga jojene, omambo getu ga kale go opala.

Omukuetu ta pandula omusamane Amakaja Kannainen omoluekuaco ndika e te ja halele oluendo oluuanaua negameno lja Kalunga nokuSuomi.



OONKUNDANA DOKEPANGELONGERKI.

(a)

Aakuluntu jaanona jamue sho haa eca aanona jao taa ji kooskola shaa doka, naagundjuka jao taa itula momagongalo gomaitaalo shaa ngoka, onke momaleshelo no miigongi jilue jegongalo aavali naa pukululue ja dimbulule evangeli lja Jesus Kristus shoka tali ti, jo ja putudile aanona jao mevangelii ndika.

(b)

Aagandji jaali (mboka inaa hala okutumbulua omadina) oja tumine epangelongerki iimaliua £35 -/- jokukuaca mboka taa longekidilua oku ka taambelua moskola juusitagongalo. Epangelongerki otali njanjukilua omagano ngaka.

Epangelongerki olja dimbulula uo kutja oompumbue daalongua mboka odi li po odindji. Oongalo desiku etijaali ljejumuko nando di tulue kumue niimaliua mbjoka ja gandjua ku jaali, onkene tuu inaji guana. Onke epangelongerki tali indile nokupandula kehe ngoka ta ka gueda po nando ekuaco eshona.

## AAHOKANICI AAFE.

Ngashi tu shi shi, pehulilo ljomumvo 1952 megongalo kehe ljomuambo omusitagongalo gumue a mono epitikilo ljokuhokanica paveta. Ndele ngashingeji epangelo lja S. W. A. olja guedelee po natango jamue ja mono epitikilo ljatjangaaka meti-11.3. 1955. ojo mbaka: Malakia Alugongo, Naftali Amadila, Paulus Andreas, Timoteus Andreas, Johannes Ekandjo, Titus Heita, Johannes Kalenga, Matias Kristian, Herman Sakeus, Johannes Shifiona, na Moses Shikongo. Omukuetu ote ja halele ejambeko lja Kalunga, jo ja kale uo aahokanici jopahalo lje, nongashi miilonga ajihe iikua uo juusitagongalo. Naamboka ja kala nonale mejakulo ndika, otatu ja halele uo natango oonkondo oompe dopambepo desiku kehe.

## OKUMANOONDJENDA NOKU DI TAMEKA.

Omuhona guo kOndangua okua hala pehulilo ljomumvo kehe okutseja oonakusa jo megongalo, mboka ja si manga aanona na mboka ja si aakuluntu. Onke membo ljaasi ljomegongalo nakusa kehe na njolue mo noomvula de ngele doshili nenge pa tengeneko.

Onke nuunona mboka tau valua ku mboka je li megeelo ljegegongalo, evalo ljao nali tsejicue aluhe koshinjangagongalo nando eshasho kali po manga.

## SHITLANGU.

omuna guokombanda.

Lja njolua  
ku  
Andre de Clerc  
na  
Edoardo Mondlane  
Lja lundululua  
ku  
Hosea Namupala,

Etsikilo.

Oshilonga shotango osha pu. Nena omukulukadi omukulupe okua icana ndje: -Shitlangu!

Inandi mu tegelelica. Mokulandulua kaacindikili onda ji mokuti kuetu. Omukulukadi omukulupe okua kuata ndje mokuaako, sho tua ciki pombila ja kalunga Khamban, okua pe ndje oshitenga shoshiti shi nonkogo ja hongua. Ongame auike moshilongo ashihenda guana okulonga oshilonga shika shuunkulungu. Onda tile omalovu gomajambo kombila ja kalunga. Pecimbo oljo tuu ndjoka aalumentu jamue oja li je li mokuponda oondjuhua nuukombuena, ngame nonda shasha ombinzi kombila. Oshikalunga osha guana okulongelua ku Shitlangu omugundjuka, einkelo ljoshiguana, ndi li peha lja gumue guomaakuluntu jonale aasimankua. Ongame ngoka ndi li pokati kaacici naantu.

Onda ningi oshinima osho tuu shoka kombila ja shaa ngoka gaaakulu jonale ootate.

Ano, ajihe sho ja ningua, omukiintu a hogololua nale, okua lili oondila oodigu, oosa, oljo edidiliko kutja iilonga ja pu.

Ecimbo ljoshituci olje ja. Jamue taa igida koombinga adihe shi ningue natango. Ongundu taji zi kumue notaji halakana nejalala alihe. Ihe mbalambala, otaji shuna mumue nokukondeka ombiga jomalovu. Aantu taa li iikulja mbjoka je ja najo, manga taa tege ondumetana. taji tsua moombati komutseli opo ji je ji pakue po.

Etango lja holola otundi juudano uunene. Aalumentu aagundjuka naakadona oji itula momukuejo gua kondeka ondambo. Inashi pumbiua okupopja, aanona ajehe, mboka taa vulu okudana no-itaaloloka opo je li uo. Konima jauo okua ngundumana ongundu jaaimbi aakadona, taa hakele notaa imbi momaui ga pitilila. Komeho gaadani oku na aakuluntu; mboka ja li haa dana, ngashingeji taa njanjukilua nokukuminua omukumo gaaagundjuka jauo. Pokati kongundu jaalumentu opu na aauamadina nominalenga. Aadani oonkulungu oje li pomahala omauanaua mpoka taa talika naua, pokati komukuejo. Aanona oje li kooha.

Uudano sho ua tameke, onda tokola ndi je mo mokati kaagundjuka nonda dana iikuko ngashi aakuluntu. Ihe ongame Shitlangu; gumue gaaaselekadi ja Shitlangu guomunene okue ja nokua kuata ndje mokuaako nokua hili ndje mo mongundu jaagundjuka aamatjona nokua fala ndje mokati kaadani oonkulungu, Kandi shi omusimanekua? Kaku na ngoka ta vulu okudiladila okalume kza shi sha koombinga juudano uiindindi ka je mokati koonkulungu, ke li peha ljomukuaniilua. Ndaa diladilando kutja ngame ongame?

Pokati kuudano mpoka otui ikoleke nokunua omagongo nenge omalovu.

Osho ngeji oshituci sha tsikile nuudano unsho, nenjanju nekudilo inaaui muenekua sigo ehulilo. Omilema sho de ja aajakuli jomukuaniilua oja tamekica eimbilo ljesindano lja Khamban:

Tu cikameni, aana ja Khamban,  
Tu jeni lo nagumbo.

Opo mpoka oontunda oda holola ehulico ljenjanju, tadi dengua oolune:

Mbuu mbuu mbuu mbuu.

Shika otashi dimbuluca omulumentu uulumentu ue.

Uii-ua

Koombinga adihe aakiintu otaa igida ja njanjukua noja kolua. Oja uda uo ehua mo notaa injanjagua rcku li ho'oa noondigolo tadi citike omakutsi. Omampelo, omagano nomainbilo otaga uvika koombinga adihe.

Hugunina uusiku oue ja. Ongundu oja halakana ji je moluento nomoondjila okuuka komagumbo.

Tadi ka tsikilua.

### JESUS E NOMUENJO. Etsikilo.

Ngashingeji ou uere ondjila. Na Petrus osho a ningi ngaaka. Tala nkene ta popi neinenepeko: „Ajehe nando naje ku idimbike, hangame. Nando ondi ka se pamue na ngoje itandi ku idimbike.“ (Mark. 14:29-31) Ihe opua ningua ngiini? Okua li e nokuja kokule nomeho ga Jesus.

Ila na Petrus nomukiintu omulunde megumbo lja Simon na pamue nomukolokoshi komushigakano, ila nomahodi ku Jesus. Ila ngashi u li. Ino kambadala okuijopaleka. Omuaa oku ku shi. Omeho ge oge luete ajihe. Omeho ge ito ga holeke sha. Ila kOmuaa e to hokolola ajihe ue ji ninga. Jesus okua taamba omulunde omukiintu. Okua taamba omukolokoshi. Okua taamba uo Petrus. Okua taamba ndje uo. Ojendji jomutse otaa vulu kuninga oonza po dokutja: Jesus oku nomuenjo. Ota taamba aalunde. Ota dimi po oondjo. Ota gandja ombili. Ota gandja enjanju.

Natango. Maria Magdalena okua li omukiintu omulunde, ihe Omuaa okua tida muje oompuiduli. Oje tuu ngoka a li omunkundi okua ningi omuhumbati guotango guelaka ndika etoje: Jesus a jumuka Omuaa a jumuka shili. Jesus a hala uo oku tu tuma omolu elaka ndi. Aakuetu ojendji oje li pumbua. Ota vulu oku ku tuma? Otashi ningua ngele tua mono: Jesus oku nomuenjo. Omuaa a jumuka shili.

E. H.

## OMEHO GA TAALELA JESUS.


Etsikilo.

Ku Jesus, ha komaluhodi getu, tu ga jalule omuaalu guago, nenge tu koneke ondungu jago, nenge tuua ihpulice nokumakela uululu uago. Oluhodi ngele kalu na Jesusj oluo italu japula, ihe otalu kukutike nenge talu njanjagula. Italu vala eididimiko, ihe epumpo, italu vala olukeno, ihe ehalo okuihakanena ashike, italu vala etegelelo, ihe tagu dimi po etegelelo. Momuzile guomushigakano gue, omo amuke otu shi kujeleka omushigakano guetu jene, omo amuke tatu vulu oku gu taamba moshikaha she muene, noku gu humbata tu nohoole nehabelelo nenjanju, no tatu mono mo ocicija jejambeko kutseni no koojalue.

Ku Jesus, ha komanjanju getu gokombanda jevi, ha ngejaka omauanauaelela nokuli. oshoka tu nokukotoka ogo gaa siikile onguka e ge tu pe. Tangotango nge tatu uukica omeho getu kuje, nena uuanaua mbuka auhe tatu u taamba kuje, nouo tau ningi u nondiloelela kutse, sho tu nompito oku u tangela uuanaua ue, noku u pungula moshikaha she, noku u njanjukilua pamue naje, noku u simanekicica esimano lje,

Ku Jesus, ha kiitopolico mbika oje te tu topolicije oshitopolelua shetu najo. Kombanda jaantu, koombinga jiiningua ajihe, kombanda jomakota agehe taga tiua gokombinga, tu jelukeni sigo kekota ljetango, kokutja kehalo lje, tu jelukeni cigo kocicija jehalo ndika, kokutja sigo kohoole je. Nena epandulo ljetu, nando tali zile momuenjo gu uka gokupandula oomboka taje tu ningile naua, natango itali hulile mujo. Nena tatu vulu esiku ljejeleko no ljehaluco ljombadilila no ljoshiponga oshiuinjalelela okutumbula pamue nomupsalmi: „Ote muena, no itandi makula okana kandje, oshoka ongoje ue shi ningi.“ No meimueneneno ljuuehame uetu eui ljomegulu ljuuda ohoole tali tu lombuele: „Shoka tandi shi ningi, ku shi shi ngashingeji, opo to ke shi tseja.“

Tadi ka tsikilua.





1.

## Oshikololo shaagundjuka.

Tala naua omafano ngano. Ogo gomahokololo gomombimbeli. Efano kehe ljhokololo lini? Eholokololo ndjoka to li mono peni? (Ngele mEkulu, ua fa oto njengua okutseja eha ljaljo). Pungula naua oshifo u tegelele onomola jomu Mei ngu tale omafano ge li mo. Opo ihe to tumu omajamukulo kOniipa, kutja efano 1-(nefatulo), 2- osho nosho.



2.

### OMAJAMUKULO

gomapulo gomoshifo sha Februarie:-

U SHI SHI TUU ?

1. Ondonga, Oukuanjama, Uukuambi, Ongandjera, Uukualuudi, Uukolonkadi nOmbalantu.
2. mOukuanjama.
3. mOndonga.
4. mOngandjera.
5. mUukuambi.
6. Windhoek.
7. Etalecicija li li pokati ka Tsumeb na Namutoni. Osho uo "etemba" ljomeshina ljolutenda.
8. kEvale.
9. Okakulukadi eha mpoka aandonga naa kuanjama ja pacana ombili nokutsela oongombe onduude cokocoko. Oju uvanene itaa ka ningilacana ue iita. Mokupita ko aantujali haa jamba po omafo taa file evi, taa ti: "Kuku, tatu piti po." Okakulukadi okakuauo oke li pokati kUukuambi nOndonga.
10. Iiuengendje ojo uutale hau ningua oongondo nuungengela uokuzala. Ohaji zi ku Tsumeb (Oshomeja) no Hashimanja.



3.



4.

### JAN MUTJACILU.

Mombuga ja Kalaharie mua li mue endanda omulumentu ku hoole okuimuenenena. Ihe esiku limue okua hokololele omujenda e mu tsakaneka ta ti: „Aantu ohaji icana ndje Jan Mutjacilu, sho ihe popi najo. Ondali ndaa shi mupopjagani nondaana sho ti ja pula. Nena tii ku hokololele okukala kuandje. Tala nena pua piti omimvo ndatu noomuedi mbali sho ndi ihulu okupopja naantu.

Oomvula hamano otse nomuameme. omukuluntu tua kala tatu endagula nomakuti tatu kongo iijamakuti pokati kevi ljaanama netale lja Ngami.

Nena pua piti omimvo ndatu noomuedi mbali sho tua li tua kuutumba momucija muka tatu vululukua nomumuameme Okapundi ke opo ka li mpeel- Eeno, okolela nkaka nda kuutumba ngashingeji-. Oto vulu oku ka gonja ngashi u luere, e ta ka f'ouala odimbo ihe nge ka huununa mo oto vulu okukuutumba ko. Omumuameme,

okue ka humbata aluhe shaa mpoka tua ke endele.

Esiku limue otua li tua hala tu je keha li li haandijaka tse tu ka hungile nkoka. Onda li nda tseja shili oshiponga shi li mesilu ljetale, ihe otua jelekele ngaa tu pitilile mesilu moka oshoka ondjila ndjika ja li ja tetula. Ou luete ecinde ljomuudi ndijaka? Ijaa, opo naa naa tuali tua hala okupitila mpoka. Mentu mukuetu sho ngaa tua katuka ko oonkatu omulongo ando, je „Shipanga ota njenge Nangolo." Mekatuko ljetango onda didilike kutja ote mbondokele montopo. Omumuameme okua lombuele ndje tu shune tse tu ka kunkule. Onda ti ouala,, Inda, ngele oua tila ngaje ondu ukilila." Otua humu ko oonkatu ecele nonda ada pecinde ndjoka nde ku ulukile, ihe otua ningine montopo. Ku luete ko naa naa, kuume, ngele ino shi mona ito shi uvu ko nande. Mpo pe cike epanjadalo ljoje opo pecike eningino ljoje montopo. Mpo pe cike eningino ljoje opo pu cike epanjadalo ljoje uo. Montopo mu nomahundju niitakaja taji mikita jo taji ku hiti molutu. Jaijee! Ote s'onkumamucika nge

ETUMBUTUMBU: oondungo, oondunge, oondunga, oondungu.

Oondjambi tadi topolua ngaaka:-

U shi shi tuu:

1. Esko Kapofi. Engela, ta peua "Students Note Book".
2. Johannes Nangutuuala, Oniipa, ta peua "Groxley Writing Pad".
3. Liina Mpanda, Oshigambo, ta peua "Post Bag Writing Pad".

Etumbutumbu:

1. Sipora ja Abisai, Ongandjera, ta peua "Students Note Book".
2. Albertina Thomas, Ongandjera, ta peua "Groxley Writing Pad".
3. Liina Mpanda, Oshigambo, ta peua "Groxley Envelopes".

Opu li pe naantu omugoji ja tumu omajamukulo, ihe omajamukulo ga jamue inaga guana nenge oga li ge nomapuko.

tandi shi, dimbulukua. Onda kambadala ndi ade ecinde, ihe ine vula sha, nande lja li popepielela. Onda ningine montopo nda (Tadi tsikilua kepanja 8)

# AALESHI TAA NJOLA

Ku Uniona okua ziombilive ondendeka, ja li ji nokufuopikua kashona joojiguane momomukuetu:

Vakuetu, tete nda hala okupandula unene ongenda ioMuene uetu eshi ja kala pamue nanje p f mbo eli lo krisnesa nosho jo pepuapulo lomudo mupe 1955. Nda hala natango ndi jandje olupandu lange kovalongi ava tava longo ounona momahongelo avo. Ndele nanje jo, ounona, diinineni eshi taru longua kovalongi veni! Nje mu ha fje ounje mokudiinina eeŋgedi adishe diua.

Nde'e shimue ashike handi mu lombuele: aliki na, ngeno mu he shi ninge. Otate nomeme va mona oihuna n'uhupo linene unene ndele omoluetu fimbo otua li ounona vaniai tu he shi okuenda nokupopja. Ndele vahapu ngenge tua shiiva okulonga nokutakuma omalaka oindele, katu shi vali nganga ovo ve tu dala, na vahapu ngenge va ja noi'ongo ihava tale vali konima oku va dja. Inamu tja pamue eshi hai popi ohai jajaika, ahoue ngaho vakuetu vange, ohai tongo oshii na nde shi mona ndi shi uete paife. Osheshi ame nime ondi na omukulu uange noundenge vatatu va ja ncilongo ndele neembapiia odo ihava shange ve tu shiiviile apa ve li.

Tu shangeleni hano onakudala va shiive apa tu li, ope ve he tu nje natele unene. Osheshi alushe ngenge omienjo davo di li nerjame alushe ndele omoluetu ihatu va kuava sha, ope ne hano a ushe itatu mono elao liua, Kalunga naje te tu tale tu vaii unene koshipala shaje.

Ndele inamu tja pamue ohai shade ovaŋu, ahoue, ndee nani ame ohandi mu kumaiida mu ha je mondjila ei tua enda fje. Ame raame muene ou nd. shanga ombapila ei, ondi li koilongo kokule ku Johannesburg, ndele nani omutumba uange ou li mOuaambo omo nda tungila ngashi nda dalelua mo. Ame onda dalelua mOkuanjama, nelongo lange onda longua mOmupanda.

Eshi nda longa tete mokombifa jomuputu, onde ja pOndangua oku konga oilonga. Ndele okua li hatu nangala meumbo la nakufja Noa la Mupenda, ope ne otua li mo nejakulo liua. Nde opa li pefimbo ledu'a ojo ihapu unene, pehovolo la 1937, nopo nde litota okumona omafuma mahapu ngahenja neemuku di na omishila jomapumu.

Nopo onda tumua kOshivanda nofijo kofalama vati i li ku Windhoek. Ndelene okudja mu Usakos nokuja kOkahandja eshi nda dja po nda ja kokandjuo kanini, onda hanga eemboloto dange oda vakua po, fijo ova umeŋu ava tua enda navo otava pula nge mokujola nge: „Eemboloto d'oje odi li peni?" Ame onda ti mbela hanje mue di kufa po; onge hano nda tongo ngaho va denge nge shili. Hano Kalunga omunaenongo iha dipaelua ovana shili: mOkahandja ondi uete oshindele shimue tashu ulike nge omishi jeemboloto mbali noshimbaba shi jadi omai a telekua noinima imue i li mo injenje nani mbela ojo ikuhuna ei handu udu.

Opo ne eshi tua fika mu Windhoek fje momashina ohatu heluka mo. Eshi tua heluka mo, sha monika kutja tua feua tu ka helukile ku Rehoboth. Notua ja momashina natango okuja ku Rehoboth. Eshi tua fika ku Rehoboth, stasiemeester eshi a tala eetekete neembapila detu, okue tu paka vali momashina okushuna ku Windhoek shashi ofalama ei hatu i oja li pokati kee-

ngabi di Windhoek na Rehoboth. Hano okufika mu Windhoek kofalama okua mona nataango natu shune vali ku Rehoboth. Eshi tua fika koscasie sha Rehoboth shiimba ame andike ndi na eshi tashi liua, naava va vakele po eemboloto dange ve di mana po va hovela vali okuindi'a kuaame eshi tashi liua. Hano nonde va pa nomuenjo uange ujela. Shashi ame momahongelo ange nda longua kutja nai hale ou e jele nge. Osheshi opa shangua kutja ou ta dipaa, je omufi uaalushe.

Hano mu Rehoboth omo tua kala oule uoshivike okulongela okulja nokuteelela omuhona uetu e tu iile noshihauto. Ndele konima jomafiku otu uda ondaka kutja natu ende poshi fijo okofalama ojo haju ufanua Ananias Sud. Eshi tua ninga po omafiku atatu po, tape uja etemba tali shilua koundongi tava shingua komukuaŋgala la dja kofalama oku tu na oku ka longa. No tua ja naje fijo opofalama. Opo ame onda peua oilonga jokulonga mokombifa, vakuetu aveshi keedi, ve di life.

Onda kala no palue jo. No ngashi efiku limue onda tandua mOnandjokue, oko nda hafela naua eeandaha dongula nodonguloshi. - No fijo nda ka fika ku Union.

Hano ku Johannesburg oko ndi li, ndelene nda mona eeŋgedi dako kediu, shashi ndi shi shi naua kutja apa pe liongela eeŋua dihapu apo pe na oshimu. Tashi ti apo pe na eliko loimaliua ope pe na olunde ubapu. Hano alushe tu li mohlondhe jovaŋu ihapu unene shili shashi vahapu ihava longo ve likuafe vovene hano alushe tava hupu mokudipaa vakuaavo va shiive va mone po omapeni okulja fiku olo. Opo ne eshi u uete ino shiiva ku Union, ino hetekela okuuja ko. Ame naame onde livela ombedi inene unene eshi nda itavela eendaka dovakueto doipupulu va lombuela nge tava ti: ko Joini oku na oimaliua ihapu unene. Heno, oko ngaho i li shili ndelene nani oja lumbakana nepuko lihapu.

Apa ondi na ondaka kunje jo. Ojei: Tu eefe okulandifa ovana vetu oukadona keehombo davo dopakriste, shashi nanje inamu shi uda momishangua dovaitaveli vonale kutja omujuki namba eshi omona okakadona ka ondelue eengobe ile omatemo onumba ndele nani ashishe eshi ohashi ningua kuava inava shiiva naua.

Ndele moshipaani ope na vali ongedi i li ngaha: Fimbo omona uoje a ka hombolua nde ngenge oshitenja inashi dunga shu ufane oinamueno ve uje va tale pepata lokaadona, kakadona nande na vele unene unene oina itave uja ko, shapu ota shuna a ka vele koina. Ndele nafje osbo hatu ningi ava tua longua. Ile eshi keshii ngenge ua dala omona uoje ndele kee fi omukueni fiku to fi ou he nde ita fjuulula? - Ashishe eshi oshovapaani, ndele nafje osho hatu shikula natango mboli.

Hano nganga tamu shikula eeŋgedi edi Kalunga ina tula po, da totua kovaŋu, omua fa tamu njeke Kalunga ehala laje. Ndele ava va ningile ngaha tete ova li ovanjeki novanaihelele. Ile pamue ku shi uete? Hai ku ulikile hano kanini kutja okakadona ohaka putulua komumati ou e ka valeka ile hado? Ndele je kakadona ke he na nande eshi ha kuafa omuvaleki uaje. Kutja pamue nande ta tuala oshitemo koshikokola shamuene ou e mu valeka ile kepja la hemueno? Oilonga jaje okudjala ashike eshi a peua kokamati kaje nokukuafa ava ve mu dala ndele kua pua. Hano nganga efu-

ndua la fika moshikuanjama kaadona ota i oku a valakua a ka ete eefipa delende no konima ekuamo lokudjalela ondjeva jekololo, ope ne oshitenja tashu uhala omite. ja adishe okulikupaula okukonga ongobe nomatemo ojoonda no eehuhua dokulja ombelela jomufuko nomalodu keshe efiku a fa ashike oshingulu sha nuninua koshinjongo shi ondoke.

Esi efundula la fika he jakakadona oava hovele okudungila nokutomena vati onona uavo, ndele ashishe eshi sha ningua m fundula omu oshitenja he ke shi futa, shashi ongombe ei ja tomua jo joonda ja ja poŋele jajo; omalodu a dungiuue aa oita a pepata a ja poŋele jakuaavo; osho ngaha hano oilonga aishie i li kuava a hambola.

Opo ne hai ti eshi omufuko ta ka dala ounona, kave fi oukuavo va he, ovaina, hano eshi shomuhomboli oshike? Hano eeŋgedi adishe e li inadi juka moipango ja Ka'unga.

Naa ne hai popi ngaha, ondi na ounona vavali oukadona, ndele ŋgi uete eshi hai ningi. Kuaadi dehombolo ŋgi na nalo unene shashi ope ndi li unene tashi jama mifa nge ongenge nde va pifamena nde va fija po. Nde hai diladila ndi va pe paife fimbo on li li ofika.

Ile hano puamue onda shimika moku-shanga kuange? Ngenge ope na apa nda pengifa, pukululeinge jo ovahoolike nje amushe.

Johannes Hifikua

## JAN MUTJACILU (Etsikilo)

tsha moombuetelo. Sho nda tala tuu omumuameme ee, okua tsha moonkuapa. Ohaku tiua aantu obaa s'omeja, okuningina montopo kua man'oombata, ta! Onde mu popica nda ti; „Mentu gua meme tue gui ihula ngaa nduno. Omua ne tu sile ohe-nda! Okua umbile ndje ouala okapundi ke e tati; „Ndema, onda diladila ouala, u taambe okapundi nkoka, ka huanuna u ka galule pamue take ku kuava u ze mo muka. Ngaje ote ningine montopo, ite hupu ue; Kala po naua!" Elaka ndika oljo lja hugunina nando omilungu de oda li tadi injenge sho ta ningine montopo ta kundacana mOmushiti sigo a ningine cilu.

Onda ningi ngashi a lombuele ndje. Sho te kuatelele okapundi ka jalalala, onda didilike kutja ite ningine ue muuie. Ite vulu nando okudimbua oshipala sha ndema jandje, nohole ndjo i ijambele ndje. Ando oje kua li a ninga ngashi a lombuele ndje andola okua hupa na ngaje ando ondi li ngaa nena montopo mo. Onda ciki kecinde nesiku lja nofu aantu ja haandijaka ja mono ndje e taju umbile iitaji montopo sigo oku ngame. Onda hupu ngaaka ihe kanda li ue ndi nohapu nomuntu, oshokanda li nda timpililua nonda lagalelua ouala. Uusiku kehe ote popi nomumuameme nomutenja kehe ote ningi omahaluhalu ge e li ponto jandje.

